

## PARULLAGHJU GRAMATICALE

| E parolle invarievule           |  |  |
|---------------------------------|--|--|
| addiverbu                       | parolla invarievule  | <i>tardi, prestu, bè, male...</i>            |
| cunghjunzione                   | parolla invarievule chì adunisce duie parolle, dui gruppi di parolle o duie pruposte | <i>è, chì</i>                                |
| cunghjunzione di cuurdinazione  | parolla invarievule chì adunisce duie pruposte indipendenti                          | <i>ma, o, è, dunque, nè (nì)</i>             |
| cunghjunzione di suburdinazione | parolla invarievule chì adunisce una pruposta principale cù una pruposta suburdinata | <i>chì, quandu...</i>                        |
| lucuzione addivirbiale          | cumposta d'un minimu di duie parolle invarievule                                     | <i>in sù, in ghjò, in fondu...</i>           |
| lucuzione cunghjuntiva          | cumposta d'un minimu di duie parolle invarievule, intruduce una pruposta suburdinata | <i>dopu chì, in lu mentre chì</i>            |
| lucuzione pripusitiva           | cumposta d'un minimu di duie parolle invarievule, intruduce sempre un nome           | <i>di punta à, in faccia di, à mezu à...</i> |
| pripusizione                    | parolla invarievule, intruduce sempre un nome  | <i>in, sottu (à)...</i>                      |
| vucichjula                      | parolla invarievule da sprime un sintimu   | <i>aiò, ebbè, umbè...</i>                    |

| U verbu                    |   |   |
|----------------------------|---|---|
| ausiliariu                 | verbu chì ghjova da cunghjucà un altru verbu à i tempi cumposti   | <i>avè, esse</i>  |
| ausiliariu mudale          | verbu chì ghjova à u lucutore da mudalizà u so prupositu (dà u so puntu di vista è/o a so attitutine affittiva nantu à i so enunziati); cum'è quellu sopra, accompagna un altru verbu | <i><u>capacità</u> : pudè<br/><u>cirtezza</u> : sapè<br/><u>obligu</u> : duvè<br/><u>parmissione</u> : pudè<br/><u>vulintà</u> : vulè</i>   |
| ausiliariu d'aspettu       | verbu chì ghjova da significà u prucessu di u verbu intruduttu, vale à dì u so significatu in lu sbucinà di u tempu, in pettu à un presente assulutu                                  | <i><u>imminente</u><br/>(<u>ingrissivu</u>) : stà par (per), esse nantu à (+nome)<br/><u>incuativu</u> : cumincià à, principià à, mette à, attaccà à, imburrà à...<br/><u>mizanu</u> (<u>durativu</u>) : esse in traccia di, stà + girundiu<br/><u>finitivu</u> : finì di, compie di...</i> |
| forma (o voce) prunuminale | forma di i verbi chì si cunghjucanu cù un prunome   | <i>lavassi, svenesi (lavà si, svene si)</i>   |
| modu                       | categoria chì si raporta à a classa di i verbi  |   |

|  |  |  |
|--|--|--|
| modu imparsunale                               | modu ch'ùn cumporta micca a catiguria di a parsona   | <i>infinitivu<br/>girundiu<br/>participu</i>                         |
| modu parsunale                                 | modu ch'ùn cumporta a catiguria di a parsona   | <i>indicativu,<br/>cundiziunale,<br/>sughjuntivu,<br/>imparativu</i> |
| verbu imparsunale                              | verbu senza sughjettu micca  | <i>piove, ci vole</i>  |
| verbu intransitivu                             | ch'ùn adimette COD ma un complementu d'ogettu indirettu, COI, intruduttu da una pripusizione (ancu : cumplimentu pripusiziunale)   | <i>parlà di, pinsà à,<br/>parlà cù...</i>                            |
| verbu prunuminale di sensu recipru             | u prunome rimanda à o mancu dui sughjetti : in sti verbi ogni rifarente funziona attempu cum'è origine è fine di u prucessu  | <i>I zitelli si menanu.<br/>Paulu è Maria<br/>s'abbraccianu.</i>     |
| verbu prunuminale di sensu riflessu            | u prunome complementu rimanda u sughjettu à sè stessu  | <i>mi lavu</i>   |
| verbu prunuminale di sensu succissivu          | sprime una rilazione di cunsiguitività   | <i>e parolle<br/>s'incudavanu<br/>e pecure<br/>s'infilareghjanu</i>  |
| verbu prunuminale : forma riflissiva apparente | u sughjettu ùn si currisponde propiu cù u complementu d'ogettu ; forma transitiva prunuminale ( <i>mi = à mè, par mè : u complementu di tarmine, indica l'essere sul cui "termina l'azione" di u talianu</i> ) | <i>Mi lavu e mane.<br/>Mi manghju un morsu.</i>                      |
| verbu transitivu                               | ch'ùn adimette un COD  | <i>manghjà, rompe...</i>   |
| voce (attiva, passiva, ancu prunuminale)       | sprime l'attitudine di u sughjettu in pettu à u prucessu :<br>agente di u verbu attivu<br>paziente di u verbu passivu  | <i>Lisa manghja u pane.<br/>U pane hè manghjatu da Lisa.</i>         |

|                            |  |   |
|----------------------------|--|---|
| E funzione : u nome        |  |   |
| cumplementu circustanziale | circustanze ind'ellu si trova u sughjettu, ind'ellu si face u prucessu di u verbu ; intruduttu da una pripusizione | <i><u>tempu</u> : Hè ghjuntu di notte.<br/><u>locu</u> : Sò di Bastia.<br/>Stò in Bastia.<br/><u>manera</u> : U minava à murtalina.<br/><u>accumpagnamentu</u> : Vacu à u mare cun elli.<br/><u>mezu, strumentu</u>: Tagliu u prisuttu di cultella.</i> |
| cumplementu d'ogettu       | ditarmineghja l'ogettu di l'azione espressa da u verbu   | <i>Manghju a mela.<br/>Chjamu à Petru.</i>  |

|  |   |  |
|--|---|--|
| cumplementu d'ogettu indirettu         | intruduttu da a pripusizione à o di o cù  | <i>Parlu cù Marcù.<br/>Pensu à Maria.<br/>Parlemu di caccia.</i>                         |
| cumplementu d'ogettu sicondu (dativu*) | listessa cà pà u cumplementu d'ogettu ;<br>rimpiazza l'anziana funzione di cumplementu d'attribbuzione (*u dativu, casu di u cumplementu d'attribbuzione, esiste quandu, cù i verbi chì sprimenu una nuzione di trasfirimentu, <i>dà, offre, porghje, di, impristà</i> , l'essere animatu, destinatariu di st'attu di trasfirimentu, hè presente) | <i>Anu livatu u ballò à i zitelli.<br/>*Dò u figatellu à i ztelli.</i>                   |
| sughjettu                              | piazzatu nanzu o nanzu o dopu à u verbu, a so funzione sarà quella d'agente o di paziente   | <i>agente : Petru canta.<br/>Canta Petru.<br/>paziente : Petru soffre. Soffre Petru.</i> |

| A frasa : e mudalità |              |                     |
|----------------------|--------------|---------------------|
| assirzione           | affirmazione | frasa dichjarativa  |
|                      | nigazione    | frasa dichjarativa  |
| intarrugazione       |              | frasa intarrugativa |
| sclamazione          |              | frasa sclamativa    |
| ordine               |              | frasa imparativa    |

| E funzione : l'agettivu |   |   |
|-------------------------|---|---|
| appostu, in appusizione | si raporta à un nome, piazzatu trà virgule  | <i>A donna, capelli bionda è smilza, si fece avanti in la corte.</i>  |
| attributu               | si raporta à un nome, piazzatu dopu à l'ausiliariu esse o à un verbu di statu : <i>stà, turnà, parè, vene, divintà...</i>             | <i>U ciucciu hè malatu.<br/>Stai frescu s'è tù ùn ai fattu st'esercizii.<br/>L'omu vene (diventa, torna) rossu.<br/>Lisa pare bella stanca.</i> |
| epitetu                 | si raporta à un nome ch'ellu accompagna, piazzatu ch'ellu hè o ghjustu davanti o ghjustu daretu<br>* attenti à l'accordu di vicinanza | <i>un vinu bonu<br/>duie grande case<br/>a lingua è a cultura corsa<br/>u vinu è u casgiu nustrale</i>  |

| E pruposte : natura  |   |                                   |
|--|---|-----------------------------------|
| Una pruposta hè una cullucazione di parolle chì parmette di sprime un ghjudiziu qualunque. |   |                                   |
| numinale   | Calchì volta, un nome o un gruppu numinale abbasta da custituì una pruposta | <i>Chì voli ? <u>Pane !</u></i>   |
| indipendente   | Si dice d'una pruposta chì si basta da par ella.                            | <i>Luisa leghje. Luce u sole.</i> |

|            |  |  |
|------------|--|--|
| infinitiva | pruposta chì dipende da un'altra, chì u so verbu hè à l'infinitivu                   | <i>Sentu <u>cantà l'ocelli.</u></i>                          |
| dipendente | Si tratta d'una pruposta chì dipende da un'altra : hà tandu un valore di complementu | <i>Dicu chì mamma hè brava. (= <u>Dicu una cosa.</u>)</i>    |
| virbale    | Di regula e pruposte sò urganizate intornu à un verbu                                | <i>Marta canta.<br/>A merula face u so nidu indi l'ortu.</i> |

| E pruposte : funzione    |   |   |
|--------------------------|---|---|
| principale               | pruposta chì ne intruduce un'altra  | <i><u>Pensu</u> chì Petru hè ghjuntu.</i>   |
| subordinata              | pruposta chì dipende da a principale, pò vene rimpiazzata da un complementu   | <i>Dicu <u>chì tù sè bravu.</u> = <u>Dicu una cosa.</u></i>   |
| subordinata cunghjuntiva | intrudutta da una cunghjunzione di subordinazione :<br>- complementu d'oggettu<br><br>- complementu circustanziale :<br>1 di tempu<br>2 di causa<br>3 di cundizione<br>4 di cunsiquenza<br>5 di cuncissione<br>6 di scopu<br>7 di cumparazione<br>(queste e pruposte e chjamanu dinò pruposte circustanziale) | <i>Dicu <u>ch'ellu face bellu tempu.</u></i><br><br><i>1 Hè partutu <u>quandu ellu annuttava.</u></i><br><i>2 L'aviò ùn hè partutu par via chì ci era a timpesta.</i><br><i>3 <u>S'è tù a m'avissi detta,</u> t'avaria aspittatu.</i><br><i>4 Travaglia troppu, <u>si face chì dopu hè malatu.</u></i><br><i>Travaglia <u>tantu chì stu colpu u cuncorsu l'hà da avè.</u></i><br><i>5 Bastia hè più chjucu cà Aiacciu, <u>micca chì belli munimenti ci ne hè di più.</u></i><br><i>6 L'aghju fatta <u>ch'elli ùn dicissinu nulla ghjunghjendu.</u></i><br><i>7 Hè megliu <u>ch'ellu travagli par l'esamine di ghjugnu cà ch'ellu passi a so statina ingurbinata da e rivisione.</u></i> |
| participiale             | pruposta chì nuralmente, u so verbu sarà à u girundiu o à u participu passatu, cù u soiu u sughjettu disfarente à quellu di a principale  | <i>Sò mossi <u>fendu un timpurale di quelli.</u></i><br><i>Sò partuti <u>à sole altu.</u></i>   |
| subordinata relativa     | intrudutta da un prunome relativu ; pò esse :<br>1 attributu<br>2 oggettu<br>3 complementu di u nome<br>4 complementu circustanziale  | <i>1 L'omu <u>chì canta u cunnoscu.</u></i><br><i>2- <u>Guarda u vistitu ch'e aghju compru.</u></i><br><i>3 L'omu <u>ch'e ti parlu.</u></i><br><i>4 Semu falati sin'à u locu <u>ind'è tù ai trovu u tisoru.</u></i>   |

Frasa semplice : frasa cumposta d'una pruposta sola.

*Luce u sole oghje.*

Frasa cumpressa : frasa cumposta d'omancu duie pruposte, cuurdate, ghjustapposte o puru cù una principale è una suburdinata.

-> Pruposte cuurdate : *Petru canta /ma Paulu sona. Marcellu ghjunghje /è Marcu si ne v`a. Simone leghje u sughjetu, /riflette /po mette `a ridige u so duvere.*

-> Pruposte ghjustapposte : *Luigi ghjunghje, /si spoglia, /si manghja un pezzu di pane.*

-> Principale è suburdinata :

*Si n'andavanu `a via di a piaghja /induva elli avianu da travagli`a a ghjurnata sana, /par via ch`i calcosa ci vulia po `a stantassi.*